



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCXXXIV. Ut quatuor dumtaxat antiquiores Doctrinarii, seu Parochi
Provinciæ Sanctissimi Nominis Jesu in Regno Mexicano Ordinis Fratrum
Eremitarum S. Augustini, omnibus privilegiis, & Indultis, quibus ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

† Ego Vincentius Tit. S. Petri ad Vincula Card.
Petra Major Penitentiarius.

† Ego Franciscus Antonius tituli S. Sixti S.R.E.
Presbiter Card. Finus.

† Ego Fr. Vincentius tit. Sancti Pancratii Card.
Gotti Ordinis Predicatorum.

† Ego D. Leander Tit. S. Calixti Card. de Porzia.

† Ego Petrus Aloysius Tit. S. Priscæ Card. Carafa.

† Ego Franciscus Tit. S. Silvestri in Capite Card.
Burgbesius.

† Ego Vincentius Tit. S. Laurentii in Pane, & Perna
Card. Bichius.

† Ego Joseph Tit. S. Thomæ in Parione Card.
Furao.

† Ego Antonius Tit. S. Stephani in Monte Celio Card.
Gentili.

† Ego Fr. Jo. Ant. Tit. SS. Sylvestri, & Marti-
ni in Montibus Card. Guadagni.

† Ego Trojanus Tit. S. Cæcilie, Card. de Acquaviva.

† Ego Dominicus tit. SS. Quirici, & Julitte Card.
de Rivera.

† Ego Marcellus Tit. S. Mariæ in Ara - Celi Card.
Passari.

† Ego Fr. Petrus Maria Tit. S. Joannis ante Portam
Latinam Card. Pieri.

† Ego Joannes Tit. S. Pudentiæ Cardinalis Spi-
nola.

† Ego Laurentius S. Mariæ in Via lata Prior Dia-
conus Card. de Alteriis.

† Ego Carolus S. Agathæ in Suburra Card. Dia-
conus Columna.

† Ego Carolus S. Mariæ in Aquiro Diaconus Card.
de Marinis.

† Ego Alexander S. Mariæ in Cosmedin. Diac. Card.
Albanus.

† Ego Nervius S. Eustachii Diaconus Card. Corsi-
nus.

† Ego Bartholomæus SS. Cosmæ & Damiani Dia-
conus Card. Ruspolus.

† Ego Carolus S. Nicolai in Carcere Diaconus Card.
Rezzomicus.

A. Card. Pro-Datarius.

VISA DE CURIA.

N. Antonellus,

J. B. Engenius.

Ut quatuor dumtaxat antiquiores Doctrinarii,
seu Parochi Provinciæ Sanctissimi Nominis Jesu
in Regno Mexicano Ordinis Fratrum Eremitarum
Sancti Augustini, omnibus privilegiis,
& Indultis, quibus illi, qui Priores Provincia-
les Provinciæ, & Ordinis prædictorum fuerunt,
fruuntur, & gaudent, frui, & gaudere valeant.

CLEMENS PP. XII.

Ad futuram rei memoriam.

§. 1. **E**Xponi nobis nuper fecit dilectus filius
Didacus Salinas, & Cabrera Assitens
Generalis Hispaniarum, ac Provinciæ Sanctissimi
Nominis Jesu in Regno Mexicano Ordinis Fra-
trum Eremitarum Sancti Augustini Procurator in
Sacra Theologia Magister, quod cum ex septua-
ginta sex Conventibus in dicta Provinciæ existen-
tibus sexaginta sex Doctrinæ, seu Parochiæ an-
nexam habentes Sacramentorum administrationem,
& curam Animarum in totidem ferme nu-
merosis Populis Christiano antiquorum dictæ Pro-
vinciæ Fratrum zelo ad fidem Catholicam con-
versis reperiantur, quibus sane Doctrinis, seu Pa-
rochiis in ministerio Parochiali, prævia canonica
ordinarii Collatione dictæ Provinciæ Fratres
ministerio hujusmodi Parochorum perpetuo ad-
dicti, & non sine ingentibus laboribus, & gravi
incommodo inservientes intra Ordinem, & Pro-
vinciam hujusmodi Dignitatibus, & Officiis prin-
cipalioribus, nempe Magistrorum, Diffinitorum,
Visitatorum, & Priorum Conventuum præcipuo-
rum orbi usque modo fuerunt, & sunt, ac pro-
inde dictus Didacus Assitens, & Procurator, ne
deinceps Fratres hujusmodi condigna mercede
privati maneant, & simul aliis incitamento sint,
ut Apostolicum onus sustinendo Parochi Mini-
sterium obire satagant, & intuitu præmii ad illud
amplectendum Fratres fortius, alacriusque alli-
ciantur, quatuor dictarum Doctrinarum, seu
Parochialium antiquioribus Rectoribus omnia
Jura, privilegia, gratias, & exemptiones dictæ
Provinciæ Ex-Provincialium nempe Provincia-
lium absolutorum, ut iidem pariformiter po-
tiantur, & gaudeant, ac si Ex-provinciales po-
tiantur, & gaudent, sequentibus tamen con-
ditionibus.

§. 2. Primo quod sexdecim annis completis
in una, aut diversis Doctrinis, seu Parochiis hu-
jusmodi ab Ordinario canonica Collatione tradi-
tis Animarum curæ, & Sacramentorum adminis-
trationi laudabiliter inservierint. Secundo, quod
si Doctrinarii, seu Parochi post completos
sexdecim administrationis annos, sed ante sexa-
gesimum ætatis annum completum Ministerio re-
nunciaverit, ejusque renunciatio acceptata fue-
rit, enunciatis privilegiis Ex-Provincialium mi-
nime frui, & gaudere possit; secus vero si com-
pletis sexdecim administrationis annos etiam se-
xagenario major causa adversæ valetudinis Mini-
sterio hujusmodi renunciaverit, tunc etiam si renun-
ciatio acceptetur, dictis privilegiis frui, & gaude-
re debeat. Tercio quod ex dictis Doctrinariis, seu
Parochis quatuor dumtaxat in Ministerio Parochia-
li antiquiores dictis Ex-Provincialium privilegiis
gaudeant, & potiantur, minime vero reliqui,
etiam si recensitas condiciones habeant, quousque
per alicujus ex dictis quatuor antiquioribus cessum,
vel decessum, eis locus fiat secundum ordinem an-
tiquitatis Ministerii Parochialis, cui solum atten-
dendum erit, non vero professionis in Religione,
nisi concurrente omnimoda æqualitate in dicto
Ministerio. Quarto, quod dicti quatuor Doctri-
narii, seu Parochi relatis privilegiis nequaquam
gaudere incipiant, quin a Diffinitorio pleno Pro-
vinciæ in Capitulo Provinciali, aut Congregatione

Causæ no-
vum hujus-
modi præ-
mii dandi
Fratribus,
qui Mexico
Parochias
administram.

Conditione
præmittenda
ad hujusmodi
præmii con-
sequutio-
nem.

Sexdecim
annorum (se-
tio Parochi
debent infer-
vire.

Sexagenario
majores.

Privilegio
Ex-Provin-
cialium qua-
tuor tantum
antiquiores
in ministerio
gaudere po-
terunt.

Fortum requi-
sita prius
examinanda

inter-

intermedia eorum requisita, & merita fuerint recognita, & approbata, & hac recognitione, & approbatione sic factis statim absque alia diligentia huiusmodi privilegiis frui, & gaudere incipiant, & quoad locum semper immediate sequantur post Patres Ex-Provinciales, qui revera Provinciam gubernarunt, aut deinceps gubernaturi sint;

§. 3. A nobis concedi plurimum desideret. Nobis propterea dictus Didacus Assistentis, & Procurator ejusdem Provinciae nomine humiliter supplicari fecit, ut in praemissis opportune providere, & ut infra indugere de benignitate Apostolica dignaremur.

§. 4. Nos igitur ejusdem Didaci Assistentis, & Procuratoris votis, hac in re quantum cum Domino possumus, favorabiliter annuere volentes, & a quibuscumque excommunicationis, suspensionis, & interdicti aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum praesentium consequendum harum serie absolventes, & absolutum fore censentes, huiusmodi supplicationibus inclinati, ut quatuor duntaxat antiquiores Doctrinarii, seu Parochi Provinciae, & Ordinis praedictorum, qui post adimpletas conditiones, & declarationes supradictas omnibus, & singulis privilegiis, praerogativis, praeminentiis, honoribus, gratiis & Indultis, quibus illi, qui Prior Provinciales Provinciae, & Ordinis praedictorum munere perfuncti tam de Jure, usu, & consuetudine, quam alias quomodolibet utuntur, fruuntur, & gaudent, ac uti, frui, & gaudere possunt, & poterunt in futurum, pari modo, & absque ulla prorsus differentia uti, frui, & gaudere libere, & licite possint, & valeant, auctoritate Apostolica tenore praesentium concedimus, & indulgemus.

§. 5. Decernentes easdem praesentes literas firmas, validas, & efficaces existeri, & fore, suoque plenarias, & integros effectus sortiri, & obtinere, & illis ad quos spectat, & pro tempore quodcumque spectabit, plenissime suffragari; Sicque in praemissis per quoscumque Judices Ordinarios, & Delegatos etiam Causarum Palatii Apostolici Auditores, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 6. Non obstantibus Constitutionibus, & Ordinationibus Apostolicis, necnon quatenus opus sit Provinciae, & Ordinis praedictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores, praesentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad praemissorum effectum hac vice duntaxat specialiter, & expresse derogamus, ceterisque contrariis quibuscumque.

§. 7. Volumus autem, ut earundem praesentium transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica Dignitate constitutae munitis, eadem prorsus fides in Judicio, & extra illud adhibeatur, quae praesentibus adhibetur, si forent exhibitae, vel ostensa.

Datum Romae apud S. Mariam Majorem sub Annulo Piscatoris die 28. Maii 1738. Pont. nostri Anno VIII.

Variae Ordinationes pro restituenda, & conservanda in Hospitali S. Joannis Hierosolymitani consuetudine armandi Naves contra Piratas.

CLEMENS PP. XII.

Ad perpetuam rei memoriam.

P Recipuas Apostolicae auctoritatis, charitativae partes, quibus pro debito Pastoralis officii nostri Ministerio a Misericordiarum Patre nobis injuncto sine personarum acceptione ad omnium Christiani nominis Nationum profectum, commodum, utilitatemque prout temporum, rerum, & personarum qualitate pensata in Domino perspicimus expedire, solliciti advigilare tenemur, hilari, libentique animo suscipere, ac peragere gestimus.

§. 1. Cum autem nobis innotuerit paucas sub vexillo Hospitalis S. Joannis Hierosolymitani in Insula Melitensi armari Naves, ex quo non leve praedictum inferri videbatur, nedum pauperibus Graecis Christianis, qui a Piraticis Navibus sub exteris vexillis armatis facillime depradantur, verum ipsi etiam Hospitali, quod ad Christianifidelium tuitionem expertis Nautis in opportunitatibus provideri minime potuisset; Hinc est, quod nos tam Hospitali praedictum, illiusque Magnum Magistrum, & Fratres adversus quoscumque Orthodoxae Religionis hostes assiduis laboribus, & periculis dimicantes paterno complectimur affectu, quam eisdem Graecos Christianos in Visceribus Jesu Christi diligimus, ut inordinatae huic rei salutare leges, atque opportuna remedia adhiberentur, diuturna, maturaque, sicut negotii gravitas flagitabat, consultatione adhibita, auditique desuper nonnullorum Ven. Fratrum nostrorum S. R. E. Cardinalium sententiis pro facili, recta, & ordinata praedictarum Navium directione sequentem normam perpetuis futuris temporibus valituras praescribere, ac sancire decrevimus, quam de cetero ab omnibus, ad quos spectat, & in futurum spectabit, inconcusse, & inviolabiliter observari volumus, & mandamus.

§. 2. Auctoritate igitur Apostolica statuimus Decretum in Congregatione particulari a se. re. Benedicto PP. XIII. Praedecessore nostro specialiter deputata sub die 22. Aprilis Anni 1729. editum observandum esse cum infrascriptis declarationibus, & ordinationibus, videlicet.

§. 3. Licitam esse depradationem mercium dilectorum filiorum Christianifidelium Graecorum repperarum in Turcicis, sive Piraticis, sive bellicis, non vero in aliis Navibus onerariis, quamvis Turcicis legitime tamen probato, ut infra mercium dominio, & tam in hoc, quam in aliis quibuscumque casibus, in quibus Graeci praedicti praedant depradationem non esse legitime factam, depradantes statim secuta depradatione, Portum vicinorem appellere teneantur, ibique depradati debeant omnino conficere Consolatum, vel per se, vel per alios, denunciando merces, quas proprias praetendunt, cum suis qualitatibus, & quantitatibus, & in termino unius anni a die Portus appulsionis proponere Instantiam cum legitimis documentis, & probationibus, quo elapso non amplius audiantur, dummodo non probetur legitimum impedimentum, probandum tamen in loco, ubi dictum impedimentum evenerit, cum Testimonio Consulis, sive Viceconsulis, si ibi addit, vel in eorum defectu cum Testimonio personae fide dignae, quae in eodem loco reperitur, quo probato, possit Iudex dictum terminum prorogare ad alium annum, vel amplius pro suo arbitrio.

§. 4. Quo vero ad interesse Iudex procedat in illius taxatione, vel a die motae litis a die

CCXXXV.

Exordium.

Ad augendum Navium Melitenium numerum sequentes latae leges.

Decretum anni 1729. servandum cum infrascriptis declarationibus.

Mercium Graecorum quando sit licita.

Quomodo judicandum an depradatio legitima fuerit in casu dubietatis.

Quid de interesse agendum.